

ՀԱՅԱՍՏԱՆԻ ՍՈՑԻԱԼ-ՏՆՏԵՍԱԿԱՆ ԵՎ ԲԱՂԱՔԱԿԱՆ ԿՐՈՒԹՅՈՒՆԸ 1870 — 1900 ԹԹ.

1. ՎԱՐՉԱԿԱՆ ԲԱԺԱՆՈՒՄԸ ԵՎ ԱԶԳԱՔՆԱԿՉՈՒԹՅՈՒՆԸ

XIX դարի վերջին տասնամյակներին Հայաստանը թեկնածուց արդյունաբերական կապիտալիզմի ժամանակաշրջանը: Երկրի տնտեսության բնագավառում կատարվող տեղաշարժերը լուրջ փոփոխություններ առաջացրին նրա հասարակական-քաղաքական կյանքում: Զեւավորվեց բանվոր զասակարգը, որը քայլելով ռուսական պրոլետարիատին համընթաց, համալրեց ինքնակալության դեմ պայքարողների շարքերը: Կապիտալիզմի ժամանակաշրջանում ծավալվեցին հայ ազգային-ազատագրական շարժումները, որոնք սուր ծայրով ուղղված էին ֆեոդալական բռնությունների ու կապիտալիստական-գաղութային հարստահարությունների դեմ: Ներքաշվելով կապիտալիստական հարաբերությունների հորձանուտի մեջ, հայ ժողովուրդն ավելի մոտիկից շփվեց մարդկության համաշխարհային հոգևոր գանձերին և հնարավորություն ստացավ անհամեմատ հարստացնելու իր ազգային մշակույթը: Վ. Ի. Լենինը ցույց է տալիս, որ «կապիտալիստական «հեղաբեկման» մի քանի տասնամյակներն... ավելի շատ բան արին, քան նախընթաց պատմության ամբողջ դարերը»¹:

Վարչական բաժանումը: XIX դ. 70-ական թվականներին Արևելյան Հայաստանը մտնում էր Ռուսական կայսրության կազմի մեջ, իսկ Արևմտյան Հայաստանը շարունակում էր մնալ թուրքական տիրապետության տակ: Տարական կառավարությունը Ռուսաստանի ազգային շրջաններում հաստատել էր այնպիսի վարչական բաժանում ու կառավարում, որոնք հեշտացնում էին տեղական ժողովուրդների սոցիալական հարստահարումը և խոչընդոտում նրանց ազգային-ազատագրական շարժումների ծավալմանը:

1867 թ. դեկտեմբերի 9-ի օրենքով Անդրկովկասը բաժանվեց հինգ նահանգների՝ Փոթիայի, Թիֆլիսի, Երևանի, Ելիսավետպոլի և Բաքվի: Թիֆլիսի ու Բաքվի նահանգները բաժանվեցին վեցական, իսկ Երևանի, Ելիսավետպոլի և Փոթիայի նահանգները՝ հինգական գավառների: Գավառների սահմանադրման հիմքում դրվեց այն սկզբունքը, որ նրանցից ոչ մեկն իր տարածությամբ չգերազանցի 6500 քառ. վերստից, իսկ բնակչությամբ՝ 10000 տնտեսությունից կամ 80.000 մարդուց²:

1 Վ. Ի. Լենին, *Երկրի լիակատար ժողովածու*, հ. 3, էջ 383:

2 Տե՛ս «Отчет по главному управлению наместника кавказского за первое десятилетие управления Кавказским и Закавказским краем его императорским высочеством великим князем Михаилом Николаевичем, 6 декабря 1862—6 декабря 1872 гг.», Тифлис, 1873, стр. 49—50.

Արևելյան Հայաստանի տարածքի մեծ մասը մտավ Երևանի, իսկ մնացած շրջանները՝ Ելիսավետպոլի ու Թիֆլիսի նահանգների մեջ, 1874 թ. Երևանի նահանգը բաժանվեց յոթ գավառների՝ Երևանի, Էջմիածնի, Ալեքսանդրապոլի, Նոր Բայազետի, Նախիջևանի, Սուրմալուի և Շարուր-Դարալագյազի, իսկ 1878 թ. Ռուսաստանին միացված հայկական հողերից ստեղծված Կարսի մարզը՝ շորս շրջանների (օկրուգների)՝ Կարսի, Կաղզվանի, Օլթիի և Արդահանի³, 1888 թ. Անդրկովկասի բոլոր գավառները բաժանվեցին տեղամասերի (ուլաստկանների), որոնց կառավարման համար նշանակվեցին պետեր (պրիստավներ)։



Երևանի բնդճառուր տեսարանը

1862—1882 թվականներին Կովկասյան երկրամասը կառավարում էր փոխարքան՝ ցարի եղբայր մեծ իշխան Միխայիլ Նիկոլայիչ Ռոմանովը, որի իշխանության տակ գործում էին նրա գլխավոր վարչությունը, Թիֆլիսի դատական և արքունական պալատները, 1882 թ. վերացվեց փոխարքայությունը և ստեղծվեց Կովկասի քաղաքացիական մասի գլխավոր կառավարչությունը։ Կառավարչապետի պաշտոնում սկզբում նշանակվեց իշխան Ա. Մ. Գոնգուկով-Կորսակովը (1882—1890), ապա՝ Ս. Ա. Շերմետևը (1890—1896), այնուհետև՝ իշխան Գ. Ս. Գուլիցինը (1897—1904)։

Անդրկովկասի նահանգները և մարզերը կառավարում էին նահանգապետները, որոնք թե՛ քաղաքացիական գլխավոր կառավարիչներ էին և թե՛ զինվո-

³ Տե՛ս «Всеподданнейший отчет о состоянии Карской области за 1887 г.», Карс, 1889, стр. 1.

րական հրամանատարները Գավառները ղեկավարում էին ցարական աստիճանավորներից նշանակված գավառապետները, իսկ տեղամասերը՝ տեղամասային պրիստավները: 1867 թ. դեկտեմբերի 9-ի օրենքով վերացվեցին տեղամասերը, հետևաբար և պրիստավի պաշտոնը: Նրանց փոխարեն նշանակվեցին գավառապետի մեկ կամ երկու օգնականներ, որոնք կատարում էին ոստիկանական պարտականությունները: Երկրամասի այն շրջաններում, ուր բնակչությունն աչքի էր ընկնում «անհանգիստ» վարքով, համաձայն 1867 թ. օրենքի, նշանակվեցին առանձին ոստիկանական պրիստավներ: Արևելյան Հայաստանում այդպիսի շրջաններ համարվեցին Շիրակն ու Լոռին, իսկ սահմանամերձ Օրդուբադը՝ գրվեց ոստիկանական հսկողության տակ: Քոչվոր քրդերին հսկելու համար 1868 թ. նոյեմբերի 15-ին հաստատվեց նաև երկու պրիստավություն, մեկը՝ Երևանի, մյուսը՝ էջմիածնի գավառներում⁴: Կարսի մարզի շրջանները ղեկավարում էին շրջանների պետները, իսկ տեղամասերը՝ տեղամասային պրիստավները: Ամեն մի օկրուգային պետ ուներ իր տեղակալը, գործերի կառավարիչը և այլ ենթակա աստիճանավորներ:

Տեղական ժողովրդի ներկայացուցիչներից շատ բնիկին էր հաջողվում պաշտոններ գրավել պետական ապարատում: Արհամարհված էր նաև բնիկների լեզուն: Գործավարությունը տարվում էր միայն ռուսերեն: Եթե 70-ական թվականներին կային որոշ թվով հայ կամ ալլադգի պաշտոնյաներ, ապա 80-ական թվականներին սկզբից նրանց թիվը խիստ նվազում է:


Ցարական պաշտոնեությունն ամենաստուգին աստիճանին կանգնած էր գյուղական տանուտերը (ստարշինան)⁵՝ իր օգնականներով, որոնք «ընտրվում» էին երկու-երեք տարին մեկ՝ գյուղի ընդհանուր ժողովում: Տանուտեր կարող էր ընտրվել նա, ով ստանում էր ձայների մեծամասնությունը և ուներ 25-ից ոչ պակաս տարիք: Սակայն վերադաս պաշտոնյաները՝ նահանգապետներն ու գավառապետները, շարաշահելով տանուտերի հաստատման իրենց տրված իրավունքները, հաճախ մերժում էին համայնքների թեկնածուներին և առաջադրում իրենց ցանկացածներին: Տանուտերներն ազատվում էին պետական հարկերից ու պարձակներից, վարձատրվում էին գյուղի հաշվին: Աշխատավարձի չափը որոշում էր գյուղի ընդհանուր ժողովը⁶:

Արևելյան Հայաստանի քաղաքները կառավարում էին տեղական ոստիկանական վարչությունները, որոնք կազմված էին ոստիկանապետից, թաղամասային պետից (կամ կատարածուներից), սրանց օգնականներից, գրագրից և այլն: Ոստիկանապետը նշանակվում էր նահանգապետի, իսկ քաղաքամասերի պետերը՝ ոստիկանապետի կողմից՝ նահանգապետի համաձայնությամբ:

XIX դարի վերջին տասնամյակներում թուրքական կառավարությունը Արևմտյան Հայաստանի վարչական բաժանումը թիպետ մի քանի անգամ փոխեց, բայց միշտ էլ առաջնորդվում էր այն սկզբունքով, որ հայերը ոչ մի

⁴ ՏՃՊ «Отчет по главному управлению заместника кавказского...», стр. 68.

⁵ ՏՃՊ С. А. Егизаров, Исследования по истории учреждений в Закавказье, ч. 1, Казань, 1889, стр. 100—101.



տեղ մեծամասնություն ղկազմեն: 1860-ական թվականների վերջերին Արևմրտյան Հայաստանի մեծ մասը բաժանված էր Կարինի (էրզրումի) նահանգի (վիլայեթի), իսկ որոշ շրջանները՝ Դիարբեքրի (Տիգրանակերտի) ու Սև-քաստիայի (Սվազի) նահանգների: Նահանգները բաժանված էին գավառների (սանջակների), գավառները՝ գավառակների (կազաների), իսկ վերջինները՝ նահիենների: Կարինի նահանգը տրոհված էր յոթ գավառի՝ Կարինի, Չլդրի, Կարսի, Բայազետի, Վանի, Մուշի և Երզնկայի⁶: 1877—1878 թթ. ռուս-թուրքական պատերազմից հետո, Կարինի վիլայեթը բաժանվեց չորս նահանգի՝ Կարինի, Վանի, Հեքյարիի ու Մուշի: 1879 թ. ստեղծվեցին Դերսիմի ու Խարբերդի կամ Մամուրեթ-ու-Ադիգի նահանգները: 1880 թ. Դերսիմը միացվեց Խարբերդի նահանգին, իսկ Հեքյարին՝ Վանի նահանգին⁷: 1886 թ. Արևմրտյան Հայաստանը բաժանվեց էրզրումի, Խարբերդի, Դիարբեքրի, Դերսիմի, Բիթլիսի (Բաղնշ), Վանի, Հեքյարիի ու Սվազի, իսկ 1895 թ.՝ Վանի, Բիթլիսի, Դիարբեքրի, Խարբերդի, Սվազի ու էրզրումի նահանգների⁸: Այսպիսով, XIX դարի 90-ական թվականների վերջին, Արևմտյան Հայաստանի վարչական բաժանումը հետևյալ պատկերն էր ներկայացնում. Վանի նահանգը բաժանված էր երկու գավառի (Վանի և Հեքյարիի), Բիթլիսի նահանգը՝ չորս (Բիթլիսի, Գենջի, Մուշի և Սղերդի), Դիարբեքրի նահանգը՝ երեք (Դիարբեքրի, Արդնի-Մաղենի և Մարգինի), էրզրումի նահանգը՝ երեք (էրզրումի, Բայազետի և Երզնկայի), Խարբերդի նահանգը՝ երեք (Խարբերդի, Դերսիմի և Մալաթիայի կամ Մելիտինեի), իսկ Սվազի նահանգը՝ չորս գավառի (Սվազի, Ամասիայի, Կարահիսարի կամ Կարահիսար-Շարքի և Թուրատի կամ Եվդուկիայի): Այդ վեց նահանգներն ընդգրկում էին 270200 քառ. կմ տարածություն⁹: Ինչ վերաբերում է պատմական Կիլիկիային, ապա XIX դ. վերջին այն բաժանված էր Ադանայի ու Հալեպի նահանգների:

Թուրքիայում 1870 թ. օրենքով նահանգը կառավարում էր կուսակալը (վալին), գավառը՝ գավառապետը (մութասարիֆը), գավառակը՝ գավառակապետը (կալմակամը), գյուղախումբը՝ գյուղախմբի պետը (մյուղդիրը), իսկ գյուղը՝ տանուտերը (մուխթարը, ռեսը): Այդ պաշտոնյաները հաստատվում էին սուլթանի, մեծ վեզիրի կամ ներքին գործերի մինիստրի կողմից: Տանուտերը ընտրվում էր համագյուղացիների ժողովում, բայց իրականում նշանակվում էր մյուղդիրի և այլ վերադաս պաշտոնյաների կողմից: Նահանգներում, գավառներում և գավառակներում համապատասխան ղեկավարներ

⁶ Տե՛ս Ռուսաստանի արտաքին քաղաքականության արխիվ (այսուհետև ՌԱՔԱ), ֆ. «Երևմտավոր արխիվ», 1874, գ. 1086, ք. 22—23; Я. Д. Малама, Описание Эрзерумского влаета, СПб., 1874, стр. 3; А. Убичини, Современное состояние Османской империи, СПб., 1877, стр. 34, 83.

⁷ Տե՛ս ՍՍՀՄ Կենտրոնական պետական ռազմա-պատմական արխիվ (այսուհետև ԿՊՌՊԱ) ֆ. 1300, ց. 23, գ. 14, էջ 25, 38—39: Հայկ. ՍՍՀ Կենտրոնական պետական պատմական արխիվ (այսուհետև ՍՍՀ ԿՊՊԱ), «Քաղվածքների ֆոնդ», գ. 39, ք. 2—3:

⁸ Տե՛ս А. Н. Гиппиус, Статистические таблицы вилаетов Турецкой империи ближайших Закавказью, Тифлис, 1889, стр. 11—14; «Энциклопедический словарь Брокгауза и Ефрона», СПб., 1902, т. 34, стр. 231.

⁹ Տե՛ս «Ընդարձակ օրացույց և Փրկչյան հիվանդանոցի հայոց 1903 թ.», Կ. Պոլիս, էջ 287, 190:

իշխանության ներքո գործում էին վարչական խորհուրդներ, որոնք բաղկացած էին շրջսական անդամից՝ երկուսը՝ մահմեդական, երկուսը՝ քրիստոնյա։ Դրանք ընտրվում էին բնակչության կողմից, հարուստ և ազդեցիկ մարդկանցից։ Քուլվոր քրդերին կառավարում էին գավառապետի իրավունքներով օժտված նրանց ցեղապետները։ Ինչ վերաբերում է քաղաքներին, ապա դրանք բաժանվում էին թաղերի (մահալների), որոնց կառավարում էին առանձին պաշտոնյաներ¹⁰։

1877 թ. օրենքի համաձայն գյուղախմբի պետի հաստատման իրավունքը տրվում էր կուսակալին։ Ինչ 1867 թ. օրենքով գյուղախմբեր կազմվում էին միայն ընդարձակ գավառակներում, ապա 1877 թ. օրենքով՝ բոլոր գավառակներում։ Ընդ որում, գյուղախմբից յուրաքանչյուրը պետք է ունենար առնվազն 200 տնտեսություն։ 1880 թ. օրենքով գյուղախմբի պետի պաշտոնը դառնում է ընտրովի։ Նա պետք է ընտրվեր գյուղախմբում գերակշռող, իսկ տեղակալը՝ քանակով երկրորդ մեծությունն ունեցող ազգության ներկայացուցիչներից։

Կառավարության կողմից լայն իրավունքներ էր տրված կուսակալին։ 1868 թ. նա ստանում է նաև մուշիրի ղինվորական տիտղոսը, որով ալիլի նն ընդարձակվում նրա ղինվորական և քաղաքացիական իրավասությունները։ Որոշակի իրավունքներ ունեին նաև գավառապետներն ու գավառակապետները։

Սուլթանական կառավարությունը, վարելով շովինիստական քաղաքականություն, բոլոր պաշտոնները տալիս էր մահմեդականներին և զրանով ոտնակոխ անում ղեռևս թանգիմաթի տարիներին ժողովուրդների հավասարության մասին հանդիսավոր ազդարարած խոստումները։ Պաշտոնները սովորաբար տրվում էին կաշառքով և հաճախ աճուրդի առարկա դառնում։ Գններալ-նահանգապետներից մինչև ստորին տանուտների պաշտոններում նշանակվում էին ոչ թե ըստ արժանիքի, այլ կաշառատվությամբ, — գրել է անգլիական պառլամենտի անդամ Կառլայլ Մակ Կոանը։ Շատ անգամ պաշտոնի հավակնորդը պարտք էր վերցնում որևէ դրամատիրոջից, կաշառում բարձր աստիճանավորներին, իսկ նշանակվելուց հետո անխնա կողոպտում բնակիչներին¹¹։

Սուլթանական վարչական ապարատը գերագույն շարիք էր աշխատավորության և հատկապես քրիստոնյա բնակչության համար։ Թուրքական կառավարությունը Արևմտյան Հայաստանի վարչական բաժանումն անցկացնելիս ոչ միայն անտեսում էր տեղական ժողովուրդների ազգային առանձնահատկությունները, այլև, ղեկավարվելով քաղաքական նպատակներով, արգելում էր գործածել Հայաստան անունը։

Ազգաբնակչությունը։ Արևելյան Հայաստանի՝ Ռուսաստանին միացումից հետո թեպետ սկսվել էր հայերի ազգային համախմբումը, սակայն նրանք

¹⁰ Արևմտյան Հայաստանի վարչական կառավարման մասին մանրամասն տե՛ս ՌԱՔԱ, ֆ. «Գլխավոր արխիվ», 1874, գ. 1086, ք. 22—23; Տե՛ս Ա. Մ. Пржевальский, Вилайет Эрзерум, Тифлис, 1904, стр. 11—28.

¹¹ Տե՛ս Карлайл, Мак Коан, Наш новый протекторат. Описание географических, этнографических и экономических свойств Турецкой Азии, М., 1884, стр. 172.

դեռևս ցրված էին աշխարհով մեկ¹²; 1897 թ. մարդահամարի տվյալներով Ռուսաստանում հայերը հաշվվում էին 1.173.096 մարդ, որից 441.000-ը բնակվում էր Երևանի նահանգում, 292.188-ը՝ Ելիսավետպոլի, 196.189-ը՝ Քիֆլիսի, 52233-ը՝ Բաքվի նահանգներում, 73.406-ը՝ Կարսի մարզում, 24.043-ը՝ Քուսայիսի նահանգում ու Բաթումի մարզում: Մնացած հայերը ապրում էին կայսրության այլ շրջաններում. 5282-ը՝ Սևծովյան նահանգում, 4862-ը՝ Միչին Ասիայում, 2080-ը՝ Բեսարաբիայում, 1604-ը՝ Մոսկվայում, 753-ը՝ Պետերբուրգում և այլն¹³: Այսպիսով, արևելահայության մոտ 60 տոկոսը ապրում էր Արևելյան Հայաստանում, այսինքն Երևանի նահանգում, Կարսի մարզում, Զանգեզուրի, Շուշիի, Ղազախի գավառներում և Լոռու գավառամասում:

XIX դարի վերջին քառորդում, Ռուսաստանի բարեբար ազդեցության պայմաններում, արևելահայերի քանակը շարունակում էր աճել: 1873 թ. Երևանի նահանգում հաշվվում էր 292.978, իսկ 1897 թ.՝ 441.000 հայ: Կարսի մարզում 1879 թ. կար 19.446 հայ, իսկ 1897 թ.՝ նրանց թիվը հասավ 73.406-ի¹⁴: Արևելյան Հայաստանում հայերից բացի բնակվում էին նաև ուսուներ, ազրբեջանցիներ, բրգեր և այլ ազգեր, որոնց թվաքանակը նշված ժամանակաշրջանում նույնպես աճում էր: Արևելյան Հայաստանի ամբողջ ազգաբնակչությունը 1873—1897 թթ. 969.518-ից հասավ 1508926 մարդու¹⁵: Միաժամանակ աճում էր բնակչության խտությունը: Եթե 1873 թ. Երևանի նահանգում մեկ քառակուսի կիլոմետրի վրա բնակվում էր միջին հաշվով 22,4, ապա 1897 թ.՝ 29,0 մարդ¹⁶: Ուշագրավ է, որ Արևելյան Հայաստանում բնակչությունն ավելի խիտ էր, քան հարևան երկրներում: 1897 թ. Երևանի նահանգում 1 քառ. կմ-ի վրա բնակվում էր 29,0 մարդ, իսկ Քիֆլիսի նահանգում՝ 23,2, Բաքվի նահանգում՝ 20,7, Ելիսավետպոլի նահանգում՝ 19,2 և այլն¹⁷:

Կապիտալիզմի զարգացման հետևանքով Արևելյան Հայաստանում տեղի էր ունենում բնակչության հոսք գյուղից քաղաք: 1886—1897 թթ. Երևանի նահանգում քաղաքային բնակչությունն աճեց 44,7 տոկոսով, գյուղականը՝ 17,7 տոկոսով, իսկ ամբողջ բնակչությունը՝ 20 տոկոսով: 1897 թ. Երևանում

¹² Բելգիացի իրավագետ Ռոլեն Փեքմենի տվյալներով 1877—87 թթ. ամբողջ աշխարհում հաշվվում էր շուրջ 5.000.000 հայ, որից 3.000.000-ը բնակվում էր Քուրթիայում, 1.807.907-ը՝ Ռուսաստանում, 200.000—225.000-ը՝ Պարսկաստանում, 46.000-ը՝ Հնդկաստանում, Ճավայում ու Զինաստանում, 30.000-ը՝ Ավստրո-Հունգարիայում, 97.000-ը՝ Եվրոպայի, Ամերիկայի ու Աֆրիկայի զանազան երկրներում: Տե՛ս «Положение армян в Турции до вмешательства держав в 1895 году», М., 1896, стр. 9—11.

¹³ Տե՛ս «Первая всеобщая перепись населения Российской империи 1897 г.», под ред. Н. А. Тройницкого; «Общий свод по империи результатов разработки данных первой всеобщей переписи населения, произведенной 28 января 1897 г.», т. II, СПб., 1905, стр. XV—XVI.

¹⁴ Տե՛ս «Сборник сведений о Кавказе», т. V, Тифлис, 1879, т. VII, Тифлис, 1880, стр. LXV; «Первая всеобщая перепись...», т. II, стр. XV—XVI.

¹⁵ Տե՛ս «Кавказский календарь на 1878 г.», Тифлис, 1877, стр. 326; «Коммерческая деятельность Тифлиско-Кареско-Эриванской железной дороги», стр. 392; «Первая всеобщая перепись...», т. II, стр. 55, LXIII, Елсаветпольская губерния, стр. 1—2.

¹⁶ Տե՛ս «Кавказский календарь на 1878 г.», стр. 326; «Кавказский календарь на 1901 г.», стр. 43.

¹⁷ Տե՛ս «Кавказский календарь на 1901 г.», отд. III, стр. 30—43.

ապրում էր 29.033, Ալեքսանդրապոլում՝ 32.018, նոր Բայազետում՝ 8507 մարդ¹⁸։ Արևելյան Հայաստանի քաղաքային բնակչությունն այդ թվականին կազմում էր նրա ամբողջ բնակչության շուրջ 10 տոկոսը։ Դա նշանակում է, որ Արևելյան Հայաստանում արդյունաբերությունը թույլ էր զարգացած։ Անդրրկովկասում դեռևս 1886 թ. քաղաքային բնակչությունը կազմում էր 11 տոկոսը, իսկ Եվրոպական Ռուսաստանում՝ 12 տոկոսը¹⁹։



Սիփան սարը Կոռուց կղզուց

Արևելյան Հայաստանի քաղաքներում հայերը կազմում էին բնակչության հարաբերական մեծամասնություն։ 1897 թ. տվյալներով Երևանի նահանգի քաղաքներում ապրում էր 92.323 մարդ, որից 53.976-ը հայեր։ Այդ թվականին Կարսի մարզի քաղաքներում բնակվում էր 37.838 մարդ, որից 16.529-ը հայեր²⁰։ Հայերը հարսրեքական մեծամասնություն էին կազմում նաև Կովկասի մի շարք քաղաքներում։ 1897 թ. Կովկասում հաշվվում էր 1.118.094 հայ, որից 238.869-ը բնակվում էր քաղաքներում, 1.509.785 աղրբեջանցի, որից 177.866-ը՝ քաղաքներում և 1.350.275 վրացի (վրացիներ, իմերներ, մենգրելներ, սվաններ), որից 125.791-ը՝ քաղաքներում²¹։ Այլ կերպ ասած, Կովկասի

¹⁸ Տե՛ս «Сборник статистических сведений по Закавказскому краю», ч. I, Тифлис, 1902, стр. 19.

¹⁹ Տե՛ս «Свод материалов по изучению экономического быта государственных крестьян Закавказского края», т. IV, Тифлис, 1888, стр. 421.

²⁰ Տե՛ս «Первая всеобщая перепись...», т. I, стр. 264—267.

²¹ Տե՛ս «Первая всеобщая перепись...», т. II, стр. 2—19.

քաղաքներում բնակվում էր հայերի 21,4 տոկոսը, աղբրեջանցիների՝ 11,8 և վրացիների 9,2 տոկոսը: Այս տվյալները ցույց են տալիս, որ հայերը ավելի շատ էին ներքաշված կապիտալիստական հարաբերությունների ոլորտը, քան կովկասյան այլ ժողովուրդները²²:

Հայ ազգաբնակչությունն աստիճանաբար դուրս էր գալիս հետամնացությունից և սերտորեն առնչվում ժամանակի առաջավոր մշակույթին: Արդեն 1897 թ. Երևանի նահանգում քաղաքային հայերի 27,2%-ը գրագետ էր: Սակայն գյուղերում գրագիտության տոկոսը դեռևս ցածր էր: Այդ նույն ժամանակաշրջանում Երևանի նահանգում գրագետ էր գյուղական բնակչության մոտ 6,4%-ը²³:

1876 թ. Պոլսի հայոց պատրիարքարանի տվյալներով Օսմանյան կայսրության մեջ հաշվվում էր մոտ երեք միլիոն հայ, որից 400.000-ը բնակվում էր Կոստանդնուպոլսում և Բալկաններում, 600.000-ը՝ Փոքր Ասիայում և Կիլիկիայում, 670.000-ը՝ Փոքր Հայքում և Կեսարիայի շրջանում, իսկ 1.330.000-ը՝ Մեծ Հայքում²⁴: Այսպիսով, հայերի մեծամասնությունը ապրում էր Փոքր և Մեծ Հայքում: Հետագա տարիներին թուրքական կառավարության վարած հայաջինջ քաղաքականության հետևանքով հայերի թիվը նվազեց: Միայն 90-ական թվականներին բնաջնջվեց շուրջ 300.000 հայ: Արևմտահայերի մի մասն էլ հարկադրված եղավ հալանահափսյվել²⁵ կամ բռնել արտագաղթի ճամփան: Այդուհանդերձ XIX դարի վերջին Արևմտյան Հայաստանում հայերը շարունակում էին կազմել հարաբերական, իսկ առանձին շրջաններում՝ բացարձակ մեծամասնություն: Այդ տեսակետից կարելի է հիշատակել Վանի (74%), Բուլանըխի (67%), Մոկսի (63%), Արճեշի (64%), Աղյուհաղի (60%), Մուշի (62%) շրջանները և այլն²⁶:

Արևմտյան Հայաստանում հայերից բացի ապրում էին նաև քրդեր, թուրքեր, ասորիներ, հույներ, պարսիկներ, հրեաներ, չեչեններ, չերքեզներ և այլ

22 Տե՛ս «Сборник сведений о Кавказе», т. VI, Тифлис, 1880, стр. 94.

23 Տե՛ս «Первая всеобщая перепись...», т. LXXI, Эриванская губерния, стр. 1.

24 Տե՛ս «Մրադրի կազմակերպական կանոնագրի Օսմանյան Հայաստանի», Կ. Պոլիս, 1878, էջ 30:

25 Քելզիացի իրավագետ Ռոլեն Ժերմենը 80-ական թվականների կեսերին գրում էր. «Հայաստանում ապրող մահմեդականների մի մասը հայկական ծագում ունի: Շատ տեղերում նրանք տակավին պահում են իրենց ազգի լեզուն, բարբերն ու սովորույթները, հաճախ կարելի է հանդիպել այնպիսիների որոնք զեռ կրում են իրենց հայրերի կամ նախնիների անունները» (М. Г. Ролан-Жекмен, Армения, армяне и трактаты, перевод с француз. М. 1896, стр. 10): Արևմտահայության որոշ զանգվածներ էլ եմբողական միսիոներական կազմակերպությունների ջանքերով հարեցին կաթոլիկ ու բողոքական ուղղություններին: Նրանք հայերին հավատացնում էին, որ բնդուներով քրիստոնեության այդ դավանանքները, կազաովեն թուրքական ճնշումներից ու հալածանքներից: Իրականում միսիոներները ձգտում էին Արևելքում ստեղծել եմբողական կապիտալիզմի քաղաքական ներթափանցման հենարաններ: Բայց, չնայած նրանց ջանքերին, կաթոլիկներ ու բողոքականներ դարձավ արևմտահայության սոսկ աննշան մասը: Դարավերջին ամբողջ Թուրքիայում հաշվվում էր 83.000 կաթոլիկ ու 41.550 բողոքական հայ (տե՛ս Սահակ-Մեսոպ, Հայուն տարեցույցը, Կ. Պոլիս 1913, էջ 42), որոնք միասին չէին կազմում արևմտահայության նույնիսկ 5 տոկոսը: Ուշագրավ է, որ Ռուսաստանում 1897 թ. հաշվվում էր 38840 հայ կաթոլիկ («Первая всеобщая перепись...», т. I, стр. 1248), որոնց ճնշող մեծամասնությունը տարրի ժամանակներում ներգաղթել էր Թուրքիայից:

26 Տե՛ս «Записка Кавказского отдела императорского русского географического общества», кн. XVIII, Тифлис, 1896, стр. 18—19 (Приложение).

ժողովուրդները: Հայերից հետո մեծամասնություն էին կազմում քրդերը, ապա թուրքերը, իսկ ասորիները, չերքեզները, չեչենները և մյուսները փոքրամասն էին: Սուլթանական կառավարության վարած շոգինստական քաղաքականության հետևանքով դարավերջին քրիստոնյաների (հայեր, ասորիներ) թիվը նվազում էր, իսկ մահմեդականներին (քրդեր, թուրքեր, չերքեզներ և այլն)՝ աճում:

Քրդերը բնակվում էին հիմնականում Վանի, Բիթլիսի ու Դիարբեքրի նահանգներում և զբաղվում երկրագործությամբ ու խաշնարածությամբ: Երկրագործ քրդերը կոչվում էին ռայաներ (հոտ, ստրուկ), իսկ խաշնարած կամ կիսաբույսեր ու բույսեր քրդերը՝ աշիրեթներ: Նրանց համայնքներն ու ցեղերը կոչվում էին իրենց առաջնորդների կամ բնակավայրերի անուններով:

Թուրքերն ապրում էին գլխավորապես Սվազի, Կարինի ու իսպրեքի նահանգներում, բայց որոշ շափով թափանցել էին նաև Արևմտյան Հայաստանի մյուս շրջանները: Դարավերջին Վանի կուսակալությունում նրանք կազմում էին բնակչության 12,5 տոկոսը և ապրում էին գերազանցապես քաղաքներում: Երկրի մի շարք շրջաններում թուրք գյուղացիները ցրված էին հայաբնակ վայրերում: Բիթլիսում, Մուշում և այլ քաղաքներում քրդական ցեղային որոշ զանգվածներ (ղաբիլաթներ), կառավարության կողմից արտոնություններ ստանալով, թուրքացել էին:

Ասորիները բնակվում էին Վանի կուսակալությունում, գլխավորապես Հեքյարիի գավառի Ջուլամերկի, Տիարի, Բեյթ-ուլ-Շյուբարի, Բաշկալեի շրջաններում, ինչպես նաև Դիարբեքրի կուսակալության լեռնային վայրերում: Նրանք հաշվվում էին 70.000—100.000 մարդ և զբաղվում էին երկրագործությամբ ու անասնապահությամբ: Երկրագործները (ռայաներ) բնակվում էին երկրի դաշտային, իսկ անասնապահները (աշիրեթներ)՝ լեռնային շրջաններում: Նրանց հողերը ու աշխարհիկ ղեկավարը մարշիմոնն էր, որ նստում էր Ջուլամերկի Կոճանիս գյուղում և իր արամադրության տակ ուներ ռազմական զգալի ուժեր:

Չեչեններն ու չերքեզները Արևմտյան Հայաստանում երևացին Ղրիմի պատերազմից հետո: Նրանք ապրում էին կամ առանձին շրջաններում, կամ հայաբնակ վայրերում: 1871 թ. Սևրաստիայի նահանգում կար 220, Կարինի նահանգում՝ 115, Դիարբեքրիի նահանգում՝ 70 ընտանիք չեչեն²⁷: Չերքեզները դարավերջին հաշվվում էին Դիարբեքրիի նահանգում՝ 10.000 և Վանի նահանգում՝ 500 մարդ²⁸: Հավատարմով թուրքական կառավարության խոստումներին, նրանք թողնում էին Հյուսիսային Կովկասն ու Դաղստանը և արտագաղթում Թուրքիա: Մուլթանական կառավարությանը չեչենականներին որոշ արտոնություններ էր տալիս հայերի հաշվին և աշխատում այդ կերպ ավելի սրել ազգամիջյան հակասությունները: Լեռնականները Թուրքիայում բնկնելով ավելի ծանր վիճակի մեջ, ձգտում էին ետ վերադառնալ Ռուսաստան: Նրանցից շատերը փախչում էին Թուրքիայից և խնդրում սկսած Միթիթ, կամ մահ, մեկը համաձայն ենք, միայն թե չվերադառնանք Թուրքիա»²⁹:

27 ՏՆ՝ս ԲԱՔԱ, ֆ. «Գլխավոր արխիվ», V-Ա₂, գ. 1081, թ. 29:

28 ՏՆ՝ս «Ազատամարտ», 1909, № 67:

29 ԲԱՔԱ, ֆ. «Գլխավոր արխիվ», V-Ա₂, գ. 1081, թ. 31:

Հրեաները բնակվում էին Վանի նահանգում, հատկապես Աղբակ գավառում, հույները՝ Խարբերդի ու Կարինի նահանգներում, իսկ պարսիկները ցրված էին երկրով մեկ: Դրանք կազմում էին երկրի ազգաբնակչության աննշան տոկոսը:

Բնակչության խտությամբ աչքի էին ընկնում Խարբերդի ու Բիթլիսի նահանգները, ուր 1900 թ. մեկ քառ. կմ-ի վրա համապատասխանաբար ապրում էր 17,1 և 14,7 մարդ, մնացած նահանգները համեմատաբար սակավամարդ էին (Կարինի նահանգում մեկ քառ. կմ-ի վրա բնակվում էր 13,0, Դիարբեքի ի նահանգում՝ 12,6, Սեբաստիայի նահանգում՝ 10,7 և Վանի նահանգում՝ 10,0 մարդ³⁰):

Արևմտյան Հայաստանի ազգաբնակչության ճնշող մեծամասնությունն ապրում էր գյուղում և միայն փոքր մասը (մոտ 10 տոկոսը)³¹ քաղաքում: XIX դարի վերջին, սուլթանական կառավարության հայաճալած քաղաքականության հետևանքով, հայերի թիվը նվազում է Արևմտյան Հայաստանի ոչ միայն գյուղերում, այլև քաղաքներում: Արդեն 80—90-ական թվականներին երկրի մի շարք քաղաքներում թուրքերը մեծամասնություն էին կազմում: Այսպես, 1893 թ. Կարինում ապրում էր 40.000 մարդ, որից հայեր էին 10.500-ը, Բիթլիսում՝ 30.000, որից հայեր էին 10.000-ը, Մուշում 1883 թ. կար 2500 տեղաբնակներ, որից հայկական էին 1000-ը և այլն: Սակայն այլ քաղաքներում հայերը մեծամասնություն էին կազմում: 1893 թ. Վանում հաշվվում էր 30.000 մարդ, որից հայեր էին 20.000-ը³², Հայերը զբաղվում էին առևտրով ու արդյունաբերությամբ, իսկ թուրքերը՝ պետական պաշտոնավարությամբ, զինվորական ծառայությամբ, կապալառությամբ ու վաճառությամբ, բանջարաբուծությամբ և որոշ շահով արհեստներով ու առևտրով: Սակայն 90-ական թվականներին հայկական ջարդերից հետո կայսրության ինչպես այլ շրջաններում, այնպես էլ Արևմտյան Հայաստանում թուրքական բուրժուազիան առևտրի մեջ սկսեց արագորեն արտամղել հայերին և գրավել կարևոր տեղը Այգուհանդերձ հայերը Թուրքիայի առևտրական կյանքում տակավին պահում էին իրենց առաջատար դիրքերը: Նրանց դերը մեծ էր նաև երկրի մշակութային կյանքում: Ի. Ի. Գուրբորոզկոն գրում էր, որ Թուրքիայի «քաղաքներում առանց հայերի չի կարող լուրջ ճյուղ տեխնիկայի, գիտության, արվեստի ու արհեստի ոչ մի քիչ թե շատ լուրջ ճյուղ: Հայերը Ասիական Թուրքիայի ամենակոլտուրական տարրերն են»³³:

Այսպիսով, Հայաստանի երկու հատվածների հայ ազգաբնակչության կացությունը և զարգացման մակարդակը զգալիորեն տարբեր էին: Արևելյան Հայաստանում, Ռուսաստանի բարերար ազդեցության պայմաններում, հայերը աճում ու առաջադիմում էին, մինչդեռ Արևմտյան Հայաստանում, սուլթանական կառավարության ազգահալած քաղաքականության հետևանքով, նրանք նվազում ու քնանջվում էին:

³⁰ ՏՃԿ՝ «Ընդարձակ օրացույց և Փրկչյան հիվանդանոցի հայոց 1903 թ.-ը, էջ 187—190:

³¹ ՏՃԿ՝ X. Փ. Բ. Лич, Армения, Путевые очерки и этюды, т. II, Тифлис, 1910, стр. 101, 194, 264; Մ. Մխաթարյան, Եկարագրական ուղևորություն ի հայաբնակ գավառ Արևելյան Տաճկաստանի, Կ. Պոլսի, 1884, մասն II, էջ 39:

³² Н. Н. Голобородько, Турция, М., 1912, стр. 221.